



XALQ DEPUTATLAR CHORTOQ TUMANI KENGASHINING QARORI

2022 - yil 27 - dekabr

VI-44-125-6-88-K/22

Chortoq tuman hokimligi

Чортоқ туманида ош бериш маросимининг вақтини белгилаш тўғрисида.

Ўзбекистон Республикаси Олий Мажлиси Қонунчилик палатаси Кенгашининг ва Ўзбекистон Республикаси Олий Мажлиси Сенати Кенгашининг 2019 йил 14 сентябрдаги №2736-III/KQ-592-III-сонли қўшма қарори билан тасдиқланган "Тўйлар, оилавий тантаналар, маърака ва маросимларни ўтказишни тартибга солиш тўғрисида"ги низомга асосан, "Миллий тикланиш демократик партияси" депутатлар гуруҳининг таклифини эътиборга олиб, Ўзбекистон Республикаси "Маҳаллий давлат ҳокимияти тўғрисида"ги қонунининг 6,24-моддаларига мувофиқ, халқ депутатлари Чортоқ туман Кенгаши

ҚАРОР ҚИЛАДИ:

1. "Миллий тикланиш демократик партияси" депутатлар гуруҳининг таклифи маъқуллансин.

2. Ўзбекистон Республикаси Олий Мажлиси Қонунчилик палатаси Кенгашининг ва Ўзбекистон Республикаси Олий Мажлиси Сенати Кенгашининг 2019 йил 14 сентябрдаги №2736-III/KQ-592-III-сонли қўшма қарори билан тасдиқланган "Тўйлар, оилавий тантаналар, маърака ва маросимларни ўтказишни тартибга солиш тўғрисида"ги низомда қуйидагилар:

тўйлар, оилавий тантаналар, маърака ва маросимлар фақат бир кун (дафн этиш маросими бундан мустасно) соат 06:00 ва 23:00 оралиғида ўтказилиши;

дафн этиш ва мотам маросимлари кўпи билан уч кун мобайнида чекланмаган миқдордаги фуқаролар иштирокида ўтказилиши;

мазкур тадбирлар муносабати билан "Ош бериш" маросимида 250 нафаргача, қўшалок тўйлар билан боғлиқ "Ош бериш" маросимида эса 300 нафаргача киши қатнашиши белгиланганлиги маълумот ва ижро учун қабул қилинсин.

3. Чортоқ туманида мазкур тадбирлар муносабати билан "Ош бериш" маросимининг вақти бомдод намозидан сўнг бошланиши ва соат 11:00га қадар давом этиши белгилансин.

4. Карантинли ҳолатларда Республика махсус комиссия томонидан ош бериш маросимининг вақти чекланган ёки чегараланган тақдирда "Ош бериш" маросимининг вақти мазкур комиссия томонидан белгилаб берилган тартибда амалга оширилсин.

5. Туман ҳокимлигининг ахборот хизмати Р.Умматов, “Чортоқ ҳақиқати” газетаси муҳаррири Б.Тиллаевларга мазкур қарор мазмунини “Чортоқ ҳақиқати” газетасининг навбатдаги сонида расман эълон қилиниши ҳамда бир иш куни ичида ҳокимликнинг расмий веб-сайтига жойлаштирилишини таъминлаш тавсия этилсин.

5. Мазкур қарор расман эълон қилинган кундан эътиборан кучга киради.

6. Қарордан норози шахслар юқори турувчи органга ёки судга шикоят қилиш ҳуқуқига эга.

7. Ушбу қарорнинг бажарилишини назорат қилиш халқ депутатлари Чортоқ туман Кенгашининг "Таълим, соғлиқни сақлаш, маданият, спорт ва ижтимоий ҳимоя" масалалари бўйича доимий комиссия (О.Максудов) ва туман ҳокимининг ўринбосари (Д.Ҳакимова) зиммаларига юклансин.

Туман ҳокими



А.Отаходжаев